

Ekihumuro E'wamukaka

-  Violet Otieno
-  Catherine Groenewald
-  Amos Mubunga Kambere
-  4
-  Olukonjo 

Odongo haima n'Apiyo babyabikere omwa kibugha haima na thathawabu. Ibakabulikira ekihumulho kikahika. Butsira ambu habwesukuru erikinga, aliwe eribya ibakayahumulira ewamukaka wabo. Mukaka aby'ikere hakuhi nahabakasohera esisu okwangetse.

Odongo n'Apiyo mubabunyahirwa kusangwa
bakayalebeya mukaka wabu kandi.
Omwigholhogholho mubapakira ebikapa byabo
neriyitakanizirya olhubalhamo Ihwabo omwakyalo.
Mubathabotsera. Mubakania obuthuku erikya.

Yabere yikaby'engyakya, mubatsinduka
omwamatoka ya thatha wabo. Muba fughha erilhaba
omwabithwa, bamalhaba okwabisoro byomoli,
haima namalima awa magyani. Ibakabara
esyamatoka esyabakalhabako, nerimba
esyanyimbo.



Habilhaba kathuku kake, bamalhuha neri
yiwotserako.

Bamabya bahika ewamuka wabo, neryo thatha wabo amabukya Odongo n'Apiyo. Mubasangana Nyar-Kanyada, mukaka wabo inyanikere okwamukeka ahisi omwakitsutsu kyomuthi. Nyar-Kanyanda omwalhulimi Ihwaba'Luo, kikamanyisaya 'mwali wa Kayanda'. Abya mukekulhu wamani, kandi inimubuyanga.

Nyar-Kayanda mwangirirabo, neribahotholera. Abitsikulhu biwe mubabunyahirwa nerimuhererya ebihembo ebyabamulethera erilwa omwa kibugha. “kwanza mukaka thangirisambulha ekihembo kyaghe”, Odongo mwasaba. “Eyihi, weza mukaka, sambulha ekyaghe” Apiyo mwabugha.



Abere abirisambulha ebihembo biwe, Nyar-Kanyada
mwatsumulha neribasabira emighisa
eyembaghane.



Neryo Odongo n'Apiyo mubaghenda eyihya.
Bamatsuka erithibitha okwa binyuruwunzu haima
no thunyonyi.



Mubasamba omwamithi nerithoghera
omwamaghetsé omwangetse.



Obuthuku bukira, neryo bakasubeka erisialya
ekyakiro. Bathebaghunza erirya, neryo othulho
thukabahamba.



Omwangyakya, thatha wabana mwafugha erisuba
omwakibugha nerisigha abana na mukaka wabo
Nyar-Kanyanda.

Odongo n'Apiyo mubawathikya mukaka wabo okwathubiri. Mubaghenda okwalhusi, bemaletha esyangwe. Bamasongyasongya amaya w'esyangoko, nerisolhoma esyanyinyi omwirima.

Nyar-Kanyada mwakangirirya abitsikulhu biwe erihuka obusyano n'omukubi. Mwakangiriryabo nerihuka omutsere oweriria n'engege eyumire.

Kiro kighuma Odongo mwayalisya esy'ande syamukaka wiwe. Neryo syamalhaba omwirima lyomuliranwa. Neryo omuliranwa ono mwatsuruma, neribugha a thi anganimya esy'ande esyosi habwerilhaba omwabyalya nerilya ebyalya biwe. Erilhusiriry a kiro ekyo, omulhwana mwalhangira a thi akatsunga esy'ande aleke eriyiwusa omwabulitho.

Ekindi kiro, abana mubaghenda omwakathale na Nyar-Kanyada. Aby'awite mw'emeza ahakaghuliraya esyanyinyi, esukali haima n'esabuni. Apiyo abyanzire eribwira abawuli emihendo yebindu. Odongo inyakabohera abauli ebindu byabo babirighulha.

Obuthuku bukira, neryo ibakanywa magyani chai haima. Neryo ibawathikya mukaka wabo eribara esyambulho esyabamathunga ekiro ekyo.

Biro bingahi, neryo ekihumuro kyamahwamo.
Obuthuku bw'erisuba okwasukuru bwamahika.
Nyar-Kanyada mwahererya Odongo akasepeho
n'Apiyo akasweta. Mwaboherabo endanda
yomwanzira.

Thatha wabo abere akasiabenda, mubathanza erihongoka. Aliriryo mubasaba Nyar-Kanyada eryasa nabo omwakibугha. Mwaseka neryo abugha ati, "ngalimukekulhu, sinangathoka ekibugh'a". Ngendibalindirira kandi ekiro mukendisyasubulha.



Odongo n'Apiyo mubalhagha mukaka wabo
nerimubumbathira kutsibu. Mubalhagha bukyaghe.

Odongo n'Apiyo babere basuba okwisomero, mubathulirawo banywani babo eraha eyiri omwakyalo ewamukakawabo. Abandi bana bakalhangira obuyingo obwamwakibugha ngabuwene, aliriryo abana abosi mubikiriryu bathi Odongo n'Apiyo bawithe mukaka wabo omubuya.



Global Storybooks

globalstorybooks.net

Ekihumuro E'wamukaka

✎ Violet Otieno

✉ Catherine Groenewald

☞ Amos Mubunga Kambere

